

# INUIT ATAQATIGIIT

## Inatsisartuni



UKA 2020/imm. 167

3. november 2020

Mariane Paviaisen

**Nunani Avannarlerni Killerni “Immamik Minguitsuutitsinermut Nersornaammik” pilersitsinissamik  
aninggaasaliinissamillu taperseeqqullugit Savalimmiuni, Kalaallit Nunaanni aamma Islandimi Naalakkersuisut Nunat  
Avannarlil Killit Siunnersuisoqatigiiffiannit kaammattorneqarput, taanna piujuannartitsinermik tunngaveqarluni  
immamit pisuussutinik aqutsinissamik atuinissamillu kiisalu immami avatangiisit peqqissuunissaasa  
pisuussuteqarluarnissaasalu nukitorsarneqarnissaanik immikkut suliniuteqartunut iliuseqartunullu  
tunniunneqartassaaq.**

(Aallartitat siulittaasuat Vivian Motzfeldt)

Inuit ataqatigiiit sinnerlugit siunnersummut pingaaruteqartumut soqtiginartumullu imaattumik  
oqaaseqaaseqarniarpugut.

Nunani avannarlerni killerni Nunatsinni, Savalimmiuni, Islandimilu najugaqartuusugut inuussutissarsiutitta annersaat  
pingaarnersaallu tassaavoq imartatta tunniussinnaasaanik inuussuteqarneq nammineq nerisarinngikkutsigit avammut  
nioqqutigaagut aninggaasarsiuqtilluarlugillu.

Oqaatigisariaqarparali siunnersuut una nunat taakku pingasut kisiisa eqqarsaatigalugit iliuuserinninnertut  
isigisariaanngimmat, nunarsuarmioqataasutut pisussaaffeqarpugut minguitsuunissamik anguniagaqarnissatsinnik  
nunamiippat imartatsinniippalluunniit apeqqutaatinnagu taamaaliornikkut kingulissagut eqqarsaatigalugit uagutsitulli  
minguitsunik peqqinnartunillu nerisassaqartuarnissaat qulakkeersimanerussagatsigu.

Nunarput tassaavoq nunarsuatsinni nunatut imartarpot aamma eqqarsaatigalugu minguinnersaasut ilaattut  
isigineqartoq, tamanna eriagisassaraarput siunissami nunarsuarmi mingutitsinerujussuup kingunerisaannik maanna  
silaannaap kissatsikkiartorneranik kinguneqartumik, uagut maanni nunatsinni mingutitsinaveersaardeq siunissami  
inuussutigiuartussaagatsigu uaguinnaammi maaniinnaviangnilagut kingulissagut annertuummik  
tunniussaqarfigisariaqarpavut maligassiorlugillu soorlu siuaatta tamanna aamma ingerlassimagaat.

Akisussaassusilimmik mingutitsinaveersaarnermik ingerlatsineq nunarsuatsinni annertusiartuinnartumik maanna  
ingerlanneqartoq qujanavissumik aamma inuuusuttatta amerligaluttuinnartut pigiliukkiartuinnarpaat, tamannalu uagut  
maani inatsisartuusugut annerusumik peqataaffigisariaqarpalut anguniartuarlugulu avatangiisitta  
mingutsaaliortuarnissaat imartatsinniippat nunamiippat silaannarlunniit pineqarpat.

Ilisimavarput nunatsinni nunani allaneersut mingutitsinkuusut, maannalu ukiorpanngulerluni  
eqqartortuarneqartalarluarluni aammalu aningaasaliivigineqalaartalarluarluni suli minguttsinneqarsimasut  
tamakkerlugit salinneqarsimannngillat, tamassumap takutiinnarpaa qanoq nunatsinni annerusumik  
minguttsinnginnissaq anguniartuartariaqarpput siusinnersuutillu uumap aqqutissaminninguit ilagigaat  
oqaatigisariaqarpalut.

“Immamik Minguitsuutitsinermut Nersornaat” siunnersuut “unammeqatigiilluni” ingerlaarnertut aamma  
isigineqarsinnaasoq siunissamilu minguttsiuarnissamut aqqutissiuvisut ilagisassaraat pingaaruteqarluinnartoq.

Nunatut pingasut imartatsinnik pinngitsuusinnaanngitsutut inisisimasuusugut imartatta annerusumik  
minguttsinneqannginnissaanik pingaaartitsisuusariaqarpugut, suli annerusumik nunarsuarmioqatitsinnut  
takussutissaqartitsisariaqarpugut uagut tassaasugut minguttsinngitsumik ingerlatsiniartut siuttut ilaat.

Imartatsinnik eriaginnillutik minguttsinermik akiuniarlutik ulluinnarni aallussisunut ukiumoortumik immikkut  
malunnaatilinnik akissarsitsisarnissaq, pingaaruteqarluinnartuuvoq ullutsinni inisisimaneq eqqarsaatigalugu  
pinngortitamut avatangiisirut minguttsinaveersaarnermik aallutaqartut tassaalernikuupput nuannaartunartut,

nersunartut, qujanartut maligassiuvilluartut, aammali ullutsinni inooriaatsitta allanngorsimancerata kingunerisaanik annertuumik mingutitsisoqartarnera naammattugassaasarmat pisariaqartilluinparparput immikkut suliniuteqartunik malunnartitsilluta nersorinnittarnissarput.

Naalakkersuisut akissutaanni erserpoq aningaasatigut covid-19-mik ajornartoortoqarneranik tunngaveqartumik siunnersummik tapersijumanngitsut, kisiannili una tassaavoq siunissamat aningaasaliinertut isigisariaq mingutitsinaveersaarneq annerusumik pimoorullugu sulissutiguarneqartariaqartoq aningaasat nunani pingasuniit aggualugit akiliutigineqartussat katillugit tassaapput 350.000 kr tassa ima paasillugu nunami ataatsimit 116.666,67 kr siunissami mingutitsinaveersaarnermik suliaqartumit akissarsiarineqartussaq 350.000,00 taakkulu siunissami nunatta imartaatta minguissaannut mingutitsinaveersaarsimsumit akissarsitsisoqarpat assigaa aningaasat nunatsinnut uteqqittussaanerata saniagut avammut nittarsaassinerterik kinguneqartussaasoq, ilaatigut maanni oqaaseq atorneqartartoq tassalu pinnatassaq uagutsitoorlugu akissarsiassaq tassaassaaq imartatta minguinnerulluni maligassuisunik innutaaqateqarnitsinnik ersarissaataasartussaasoq ukiumoortoq, siunissami kingulissatta iluaqtiginngitsoornavianngisaat, taamaalilluni aningaasaliineq siunissami pitsasumik kinguneqartussaq inuit ataqatigiinnit taperserparput.